



Broj: 02/1-50-8-22-44/18

Sarajevo, 11.1.2018.

IZVJEŠTAJ O RADU
USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1.1.2017. DO 31.12.2017.

Sarajevo, januar 2018.

IZVJEŠTAJ O RADU

USTAVNOPRAVNE KOMISIJE DOMA NARODA PARLAMENTARNE SKUPŠTINE BiH ZA PERIOD OD 1.1.2017. DO 31.12.2017.

S A D R Ž A J

1. Opće naznake	3.
2. Poglavlje I. Aktivnosti Ustavnopravne komisije	4.
Odjeljak A. Statistički podaci o sjednicama	4.
Odjeljak B. Zakonodavne i druge aktivnosti	5.
i. Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)	5.
ii. Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom - faza I.)	6.
iii. Razmatranje prijedloga zakona po čl. 108. - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak - postupak u nadležnoj komisiji – faza II.)	6.
iv. Organiziranje javnih rasprava	7.
v. Razmatranje pitanja ocjene ustavnosti	7.
vi. Razmatranje izvještaja i informacija	
vii. Zaključci Ustavnopravne komisije	8.
3. Poglavlje II. Aktivnosti Ureda sekretara Ustavnopravne komisije	8.
4. Poglavlje III. Ostale aktivnosti	9.
Odjeljak A. Aktivnosti u vezi sa ostalim aktima i odnosima s drugim institucijama	9.
Odjeljak B. Međunarodna saradnja	9.
5. Poglavlje IV. Zaključna razmatranja	9.
PRILOG	10.

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) podnosi

IZVJEŠTAJ
O RADU USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1.1.2017. DO 31.12.2017.

OPĆE NAZNAKE

Ustavnopravna komisija stalna je komisija Doma naroda Parlamentarne skupštine BiH. Njen rad, nadležnosti, uloga i položaj utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, kada ih i ako ih na to ovlaste oba doma, prijedlog službene verzije prečišćenog teksta zakona i drugih propisa koje usvajaju domovi Parlamentarne skupštine BiH;

(2) Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

Ustavnopravna komisija Doma naroda Parlamentarne skupštine BiH konstituirana je na prvoj sjednici, održanoj 26.2.2015., kada su članovi Komisije, jednoglasno, izabrali:

- za predsjedavajućeg Ustavnopravne komisije Halida Genjca,
- za prvog zamjenika predsjedavajućeg Ustavnopravne komisije Barišu Čolaka,
- za drugog zamjenika predsjedavajućeg Ustavnopravne komisije Sredoja Novića.

Ostali članovi Komisije su:

- Dragutin Rodić,
- Safet Softić i
- Ljilja Zovko.

Sekretar Komisije je Zijad Hasić, a stručna savjetnica Sonja Abdulovski.

Svoj rad Ustavnopravna komisija Doma naroda Parlamentarne skupštine BiH zasnivala je na primjeni brojnih propisa iz međunarodnog i domaćeg prava, od kojih su najvažniji:

1. Aneks IV. Općeg okvirnog sporazuma za mir u Bosni i Hercegovini – Dejtonski sporazum (Ustav BiH);
2. međunarodni dokumenti, navedeni u Aneksu I. Ustava BiH, te dodatni sporazumi o ljudskim pravima koji će se primjenjivati u Bosni i Hercegovini i drugi međunarodni akti;
3. Poslovnik Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16);
4. propisi Bosne i Hercegovine iz krivičnopravne, građanskopravne i upravne oblasti, propisi iz oblasti uređenja rada pravosudnih institucija, te oblasti ravnopravnosti spolova, izbora, izvršenja krivičnih sankcija i sl.

POGLAVLJE I. AKTIVNOSTI USTAVNOPRAVNE KOMISIJE

Odjeljak A. Statistički podaci o sjednicama

Ustavnopravna komisija, s ciljem obavljanja svojih aktivnosti, u izvještajnom periodu održala je 13 sjednica, a razmatrala 76 tačaka dnevnog reda (u prosjeku šest tačaka dnevnog reda po sjednici). Održavajući ove sjednice, ona je aktivnost usmjerila na brojne oblasti iz svoje nadležnosti, zasnovane na Planu rada za 2017. godinu.

Sjednica	Datum održavanja	Tačaka dnevnog reda	Trajanje sjednice u minutama
31.	17. 1. 2017.	6	60 minuta
32.	26. 1. 2017.	6	90 minuta
33.	6. 4. 2017.	4	90 minuta
34.	25. 4. 2017.	9	120 minuta
35.	17. 5. 2017.	4	120 minuta
36.	30. 6. 2017.	4	15 minuta
37.	18. 7. 2017.	6	90 minuta
38.	19. 9. 2017.	13	75 minuta
39.	28. 9. 2017.	2	30 minuta
40.	10. 10. 2017.	4	30 minuta
41.	7. 11. 2017.	4	50 minuta
42.	7. 12. 2017.	9	35 minuta

43.	21.12.2017.	5	35 minuta
UKUPNO	Održanih sjednica 13	Razmatranih tačaka dnevnog reda 76	

Osim zakonodavnih aktivnosti, Ustavnopravna komisija vršila je i kontrolnu funkciju. Potrebno je istaći razmatranje informacija, izvještaja i drugih akata, drugih državnih organa i tijela iz nadležnosti Ustavnopravne komisije, kao i aktivnosti koje je ona sama inicirala.

Najveći obim aktivnosti ostvaren je prilikom priprema i održavanja sjednica, te analizom i usvajanjem prijedloga zakona.

Prosječno trajanje sjednica Ustavnopravne komisije je **1 sat i 5 minuta**.

Odjeljak B. Zakonodavne i druge aktivnosti

Ustavnopravna komisija je u 2017. godini razmatrala veliki broj prijedloga zakona, te za njih, nakon provedene procedure, izrađivala mišljenja i izvještaje, i to:

a) Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)

1. Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlagač: Vijeće ministara BiH,
2. Prijedlog zakona o izmjenama i dopunama Zakona o međunarodnom i međuentitetskom drumskom prijevozu, predlagač Vijeće ministara BiH,
3. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH,
4. Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH,
5. Prijedlog zakona o izmjeni Zakona o Javnom radiotelevizijskom sistemu Bosne i Hercegovine, predlagač: Predstavnički dom Parlamentarne skupštine BiH,
6. Prijedlog zakona o Javnom radiotelevizijskom sistemu Bosne i Hercegovine, predlagači: delegati iz Kluba hrvatskog naroda u Domu naroda Parlamentarne skupštine BiH,
7. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički doma Parlamentarne skupštine BiH,
8. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički doma Parlamentarne skupštine BiH,
9. Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlagač: Vijeće ministara BiH,
10. Prijedlog zakona o izmjeni i dopunama Zakona o nezavisnim i nadzornim tijelima policijske strukture Bosne i Hercegovine, predlagač: Vijeće ministara BiH,
11. Prijedlog zakona o izmjenama i dopunama Zakona o akcizama u Bosni i Hercegovini, predlagač: Vijeće ministara BiH,
12. Prijedlog zakona o izmjenama i dopuni Zakona o uplatama na Jedinostveni račun i raspodjeli prihoda, predlagač: Vijeće ministara BiH,

13. Prijedlog zakona o izmjeni Zakona o sistemu indirektnog oporezivanja u Bosni i Hercegovini, predlagač: Vijeće ministara BiH,
14. Prijedlog zakona o osiguranju depozita u bankama Bosne i Hercegovine, predlagač: Vijeće ministara BiH,
15. Prijedlog zakona o izmjeni i dopunama Zakona o ombudsmenu za ljudska prava Bosne i Hercegovine, predlagač: Vijeće ministara BiH.

b) Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga sa Ustavom BiH i pravnim sistemom BiH i principi - faza I. u nadležnoj komisiji)

1. Prijedlog zakona o izmjeni i dopuni Zakona o radu u institucijama Bosne i Hercegovine, predlagač: Predstavnički dom Parlamentarne skupštine BiH,
2. Prijedlog zakona o izmjeni i dopunama Zakona o zaštiti i dobrobiti životinja, predlagač: Predstavnički dom Parlamentarne skupštine BiH,
3. Prijedlog zakona o izmjenama i dopunama Zakona o upravi, predlagač: Vijeće ministara BiH,
4. Prijedlog zakona o izmjeni i dopuni Zakona o radu u institucijama Bosne i Hercegovine, predlagač: Predstavnički dom Parlamentarne skupštine Bosne i Hercegovine,
5. Prijedlog zakona o izmjeni i dopunama Zakona o zaštiti i dobrobiti životinja, predlagač: Predstavnički dom Parlamentarne skupštine BiH,
6. Prijedlog zakona o parlamentarnom nadzoru, predlagač: Privremena zajednička komisija oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru,
7. Prijedlog zakona o izmjeni Zakona o radu u institucijama Bosne i Hercegovine, predlagač: Predstavnički dom Parlamentarne skupštine BiH,
8. Prijedlog zakona o izmjeni i dopuni Zakona o ministarstvima i drugim organima uprave Bosne i Hercegovine, predlagač: Vijeće ministara BiH,
9. Prijedlog zakona o izmjeni Zakona o državnoj službi u institucijama Bosne i Hercegovine, predlagač: Predstavnički dom Parlamentarne skupštine BiH.

c) Razmatranje prijedloga zakona po čl. 108. - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II.)

1. Prijedlog zakona o izmjeni i dopuni Zakona o radu u institucijama Bosne i Hercegovine, predlagač: Predstavnički dom Parlamentarne skupštine Bosne i Hercegovine,
2. Prijedlog zakona o izmjeni i dopunama Zakona o zaštiti i dobrobiti životinja, predlagač: Predstavnički dom Parlamentarne skupštine BiH,
3. Prijedlog zakona o izmjeni i dopuni Zakona o radu u institucijama Bosne i Hercegovine, predlagač: Predstavnički dom Parlamentarne skupštine BiH,
4. Prijedlog zakona o izmjeni i dopunama Zakona o zaštiti i dobrobiti životinja, predlagač: Predstavnički dom Parlamentarne skupštine BiH,
5. Prijedlog zakona o parlamentarnom nadzoru, predlagač: Privremena zajednička komisija oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru,
6. Prijedlog zakona o izmjenama i dopunama Zakona o upravi, predlagač: Vijeće ministara BiH,
7. Prijedlog zakona o izmjeni i dopuni Zakona o ministarstvima i drugim organima uprave Bosne i Hercegovine, predlagač: Vijeće ministara BiH,

8. Prijedlog zakona o izmjeni Zakona o državnoj službi u institucijama Bosne i Hercegovine, predlagač: Predstavnički dom Parlamentarne skupštine BiH.

d) Organiziranje javne rasprave:

Na 37. sjednici Ustavnopravne komisije, održanoj 18.7.2017., u okviru tačke dnevnog reda: **Prijedlog zakona o izmjeni i dopunama Zakona o zaštiti i dobrobiti životinja**, predlagač: Predstavnički dom Parlamentarne skupštine BiH, zakon broj: 01-02-1-814/17, od 23.4.2017. (postupak u nadležnoj komisiji – faza II., postupak u skladu s čl. od 108. do 113. Poslovnika Doma), odlučeno je da se organizira Javna rasprava o Prijedlogu zakona o izmjeni i dopunama Zakona o zaštiti i dobrobiti životinja.

Javna rasprava održana je 5.9.2017. u zgradi Parlamentarne skupštine BiH. Prisustvovalo je više od 100 učesnika, predstavnika zakonodavne i izvršne vlasti u BiH, kao i predstavnika proizvođača kože i krzna, te akademske zajednice, nevladinih i međunarodnih organizacija. Cilj održavanja Javne rasprave bio je da članovi Parlamentarne skupštine BiH, zajedno s predstavnicima Vijeća ministara BiH, nadležnih ministarstava, zainteresiranih proizvođača krzna i kože, stručnih institucija i pojedinaca, nevladinih organizacija i udruženja, obave sveobuhvatnu raspravu i iznesu svoje stavove i mišljenja o rješenjima predloženim u predmetnom prijedlogu zakona, kako bi se u amandmanskoj fazi došlo do najboljih rješenja.

Nakon održavanja Javne rasprave, na osnovu odredbi Arhuske konvencije i normi Poslovnika Doma naroda, Ustavnopravna komisija obavijestila je sve učesnike o rezultatima Javne rasprave.

e) Razmatranje pitanja ocjene ustavnosti (član 39. stav (1) tačka g) Poslovnika Doma naroda Parlamentarne skupštine Bosne i Hercegovine - dostava mišljenja Ustavnom sudu BiH)

Ova aktivnost ocjene ustavnosti pred Ustavnim sudom BiH odnosi se na zahtjeve u skladu s članom 39. stav (1) tačka g).

1. Zahtjev za izjašnjenje, dostavljen od Ustavnog suda BiH, broj U-21/16 (veza broj: 02-01-3077/16, od 20.12.2016.)
2. Zahtjev za izjašnjenje, dostavljen od Ustavnog suda BiH, broj U-22/16 (veza broj: 02-02-380/17/16, od 6.2.2017.)
3. Zahtjev za izjašnjenje, dostavljen od Ustavnog suda BiH, broj U-6/17 (veza broj: 02-02-1-1545/17, od 22.6.2017.)

f) Razmatranje izvještaja i informacija:

Ova aktivnost ostvaruje se u skladu s članom 39. stav (2) Poslovnika Doma naroda Parlamentarne skupštine Bosne i Hercegovine. Ustavnopravna komisija donijela je mišljenja o sljedećim izvještajima i informacijama:

1. Izvještaju o primjeni Jedinostvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH,
2. Izvještaju o radu Pravobranilaštva Bosne i Hercegovine za period od 1.1. do 31.12.2016.,
3. Izvještaju o provođenju Lokalnih izbora 2016., podnosilac: Centralna izborna komisija BiH,
4. Informaciji o pokrenutim arbitražnim postupcima protiv Bosne i Hercegovine i njenih institucija, podnosilac akta: Pravobranilaštvo BiH,
5. Izvještaju o provođenju zakona iz nadležnosti Centralne izborne komisije BiH u 2016. godini, podnosilac: Centralna izborna komisija BiH,
6. Informaciji o radu Tužilaštva Bosne i Hercegovine za 2016., podnosilac: Tužilaštvo BiH,

7. Izvještaju o radu Vijeća ministara Bosne i Hercegovine za 2016., podnosilac: Vijeće ministara BiH,
8. Godišnjem izvještaju Visokog sudskog i tužilačkog vijeća BiH, podnosilac: Visoko sudsko i tužilačko vijeće BiH.

g) Zaključci Ustavnopravne komisije

U izvještajnom periodu Komisija je donijela devet zaključaka kojima je željela unaprijediti zakonodavni postupak ili ubrzati rješavanje pojedinih pitanja.

Zaključci se odnose na: rad izvršne vlasti, uključujući i Vijeće ministara BiH; izradu prečišćenih tekstova zakona; primjenu Jedinštenih pravila za izradu pravnih propisa u institucijama Bosne i Hercegovine.

Na kraju izvještajnog perioda realizirano je šest zaključaka, a realizacija preostala tri je u toku.

POGLAVLJE II.

AKTIVNOSTI UREDA SEKRETARA USTAVNOPRAVNE KOMISIJE

U Uredu sekretara Ustavnopravne komisije normirana su radna mjesta, i to: sekretar Ustavnopravne komisije - rukovodeći državni službenik, stručni savjetnik i stručni saradnik, što čini ukupno tri zaposlena. Trenutno su popunjena dva radna mjesta, i to sekretar Ustavnopravne komisije i stručni savjetnik.

Rukovođen Radnim planom za 2017. Ured sekretara pripremao je i analizirao sve zakone koji su bili u proceduri i druge akte koji nisu zakonodavnog karaktera. Tekstovi pojedinih prijedloga zakona nisu bili usklađeni s Jedinštenim pravilima za izradu pravnih propisa u institucijama BiH, a neki nisu sadržavali ni sve elemente koje prijedlog zakona mora sadržavati, u skladu s odredbama Poslovnika Doma, što je povećalo potrebu za normativno-tehničkim korekcijama prijedloga zakona. Ured sekretara je, također, za potrebe članova Komisije pisao amandmane na pojedine prijedloge zakona.

Prilikom organiziranja Javne rasprave o Prijedlogu zakona o izmjeni i dopunama Zakona o zaštiti i dobrobiti životinja, Ured sekretara je pružio stručnu, administrativnu i tehničku podršku. Upućeni su pozivi svim relevantnim institucijama, kako državnim tako i entitetskim, kantonalnim i općinskim, nevladinim organizacijama, udruženjima, kao i pojedincima. Svi relevantni materijali u vezi s Javnom raspravom blagovremeno su dostavljeni svim zainteresiranim, kao i sredstvima informiranja. Izrađeni izvještaji također su svima dostavljeni odmah po završetku Javne rasprave.

Ured sekretara je, u saradnji s Uredom sekretara Ustavnopravne komisije Predstavničkog doma i Zakonodavno-pravnim sektorom, pristupio izradi Nacrta izmjena i dopuna Jedinštenih pravila za izradu pravnih propisa u institucijama BiH, a u skladu sa zaključkom Predstavničkog doma (broj zaključka: 01-50-1-15-4-44/17) s 44. sjednice, održane 20.4.2017. Realizacija ovog zaključka je u toku.

Ured je, također, uspostavljao saradnju s drugim institucijama, i domaćim i međunarodnim, čije se djelovanje tiče djelovanja Ustavnopravne komisije. Tu su, u prvom redu, saradnja s Vijećem ministara BiH, tj. ministarstvima, agencijama, direkcijama, Generalnim sekretarijatom Vijeća ministara BiH, Predsjedništvom BiH, VSTV-om BiH, Ustavnim sudom BiH i drugim pravosudnim institucijama. Predstavnici tih institucija su blagovremeno i potpuno obavještavani o radu Ustavnopravne komisije. Na upućene pozive oni su se, uglavnom, redovno odazivali i učestvovali u radu o tačkama koje se odnose na njihov rad.

U izvještajnom periodu Ured sekretara imao je nekoliko radnih sastanaka s predstavnicima Misije OSCE-a u BiH, kao i s predstavnicima USAID-a, koji su bili posvećeni podršci u radu Ustavnopravne komisije, zbog dogovora o daljnjoj saradnji.

Poglavlje III. OSTALE AKTIVNOSTI

Odjeljak A. Aktivnosti u vezi sa ostalim aktima i odnosima s drugim institucijama

Komisija je razmatrala i druge akte koji nisu zakonodavnog karaktera te uspostavljala saradnju s drugim institucijama, čije se djelovanje podudara s djelovanjem Ustavnopravne komisije, uključujući i saradnju s međunarodnim organizacijama, nevladinim organizacijama i pojedincima. Dobra saradnja naročito je nastavljena s Ministarstvom pravde BiH.

U izvještajnom periodu ostvarena je dobra saradnja s poslanicima u Predstavničkom domu i delegatima u Domu naroda, sekretarima domova, sekretarom Zajedničke službe, sekretarima drugih komisija, rukovodiocima sektora i zvaničnicima izvršne i sudske vlasti. Redovno je praćen rad pojedinih komisija i drugih tijela u vezi sa zajedničkim pitanjima, te ostvaren princip međusobne saradnje, ali i zaštite digniteta Doma naroda Parlamentarne skupštine BiH, kako je uređeno Poslovníkom Doma naroda.

Odjeljak B. Međunarodna saradnja

U realizaciji međunarodne saradnje, kao i poslova edukacije na praktičnim pitanjima, s kojima se susreće Ustavnopravna komisija, posebnu pomoć pruža Misija OSCE-a u Bosni i Hercegovini, s kojom je Ured sekretara Komisije u izvještajnom periodu održao i nekoliko radnih sastanaka.

Poglavlje IV. ZAKLJUČNA RAZMATRANJA

Ustavnopravna komisija Doma naroda Parlamentarne skupštine BiH konstatira da su ostvarene značajne aktivnosti u izvještajnom periodu.

Kako bi te aktivnosti bile još bolje, a rezultati se mogli kvalitetnije primijeniti, neophodno je sljedeće:

- a) Ustavnopravna komisija uspješno i u potpunosti je realizirala zadatke utvrđene Planom rada za 2017. godinu i ubuduće će se, još predanije, baviti pitanjima iz svoje nadležnosti, s ciljem kvalitetnijeg rada i većeg doprinosa zakonodavnom procesu u Bosni i Hercegovini;
- b) Ustavnopravna komisija učinila je dodatne korake u saradnji s drugim komisijama Parlamentarne skupštine BiH, Vijećem ministara BiH, vladinim i nevladinim organizacijama, međunarodnim organizacijama i parlamentima, koji su je ohrabрили u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije;
- c) Kako je poslovnícima oba doma i drugim aktima Parlamentarne skupštine BiH utvrđena ista nadležnost Ustavnopravne komisije i Ustavnopravne komisije Predstavničkog doma, u izvještajnom periodu javila se potreba za održavanje nekoliko zajedničkih sjednica obje ustavnopravne komisije, a što nije realizirano. U narednom periodu u sličnim situacijama trebalo bi organizirati zajedničke sjednice;
- d) Imajući u vidu složenost normativne uređenosti Ureda sekretara Ustavnopravne komisije, bitnim se smatraju kontinuirane obuke sekretara i stručne savjetnice, jer je to garancija njenog uspješnog rada.

Sastavni dio Izvještaja je Prilog broj 1. Tabelarni i brojčani prikaz sjednica, tačaka dnevnog reda i broj razmatranih akata.

PREDSJEDAVAJUĆI
USTAVNOPRAVNE KOMISIJE
Halid Genjac

Prilog broj 1. Tabelarni i brojčani prikaz održanih sjednica, tačaka dnevnog reda i broj razmatranih akata pred Ustavnom pravnom komisijom

Ustavno pravna komisija

Period od 1.1.2017. do 31.12.2017.

Tabela održanih sjednica i broj tačaka dnevnog reda:

Broj održanih sjednica	13
Broj tačaka dnevnog reda	76

Tabela razmatranih akata pred Ustavnom pravnom komisijom:

Prijedlozi zakona	Zahtjevi za ocjenu ustavnosti	Izveštaji o radu institucija BiH
24	3	8